

八五七  
心目

三官記  
天

卷八







三官記

目

古今人才貌動多相類而往々有不<sub>然</sub>者壺谷南公觀其詞翰  
翩々適逸才調溢發可謂敏速之奇才而及觀其人一切相反  
多質少文言貌遲重清秀之氣蘊於中<sub>而</sub>不見於外斯其為君子  
人歟<sub>此</sub>余幼時所目觀者後之人若認以為輕薄才子則誤矣余  
自髫齡見文谷金相公頎而長白皙好風儀中年往玉屏院拜  
其影子大不如真面竊嘗取三先生而論之曰思庵清癯無  
塵俗氣真是山林宰相文谷不免京華粉郎氣味獨峒隱翁無  
影子意思甚玄<sub>遠</sub>視思翁尤高得數層云

當在  
他別



甲子吾王考居留南城時汾厓申尚書來過周覽城堞仍留宿  
夜飲即席感古有詩曰白登當日勢蒼黃虜騎崩騰不可當平  
夜西門能出戰至今猶說李延陽醉中揮灑甚快真風流豪氣  
也詩牋舊存而今亡矣

丙寅三月三日吾祖考週甲吾仲父設酒饌邀府君親友適有  
公私事故至者絕少惟呂尚書聖齊以冢宰居首座風儀動盪  
坐處若有光明此老事業不可知而風流若此宜乎作太平宰  
相近世則無論才德似此風儀亦未之見也

完寧李公師命為兵判頻來拜議政府君以故人子待之余  
於幼年諦視之容貌甚美如美少女子其後逆宗以行人赴燕



過辭大臣余從傍視之其容恰類完寧其後兩人俱不得考終  
宣相法美中亦有凶格耶未可知也

吾王考寢疾多月御醫數人持藥物相尋每於論藥之暇以圍  
棊消日余讀書有隙則在其旁中間症候稍減謝遣諸醫官權  
瑜即名醫而以驕亢聞者也臨歸訪余曰少主人不可不告別  
云王考諸症中下腹虛冷自云丁丑陷虜赴北時虜以一小艚

渡甲串津人多艚小被俘人或近水欲登艚則不少愛惜輒以  
鐵鞭驅打落於水中欲登未登以手攀去艚以濟腰下盡泥水  
漸病索蓋由於此非藥力所可及也王考之疾乍減旋劇枕上  
諄々無非憂國之語又呼諸友字多是作故人其中呼葵仲李

考在  
他

考在  
他

考殺手葵仲



公敏叙字也前數月卒似是最相親而然也一日呼李氏判書  
公近前口占遺疏使書之大旨嚴官禁杜私徑為戒蓋時方有  
書沸騰而然也疏入極賜嘉獎計聞無別賻敬傷悼之教論者謂  
數句大觸忌諱以致恩禮無終云

陽陵君李立身性剛悍有俠氣少微賤居餅廬峴於阿峴為同  
閑也議政府君以原任監司家居立身稱以李部將短衣侍側  
左右服事有同門客庚申之際結知於清城衆保社勲粹取富  
貴猶以舊情頻過訪初以摠管來時自笑曰吾以前導入此  
洞門世間變怪誠無所不見也余幼時常記陽陵對吾仲父涕泣  
言祿將迫矣南人挾後官之弟張姓武弁方圖鑽進少論以東



平為窩窟而南少合勢家國事固極罔極若之何其以今思之  
似是丁卯戊辰間事吾仲父時在韋布而有時來告者蓋出憂  
懣之心也彼此詞察亦無幽不顯云其後自朮出為平安兵使  
其計欲羅致張希載於幕下使醉於酒色銀貨使渠無意上京  
以絕其幽陰之徑未及赴有物論將辭遁吾從祖判書公言于  
廟堂不許遽敦迫赴任將行少論之為大諫者擊去之已巳禍  
作果一如其言判書公首被竄啓措語非常蓋生疑於扶護立  
身事也羣凶欲翻庚申逆案如南斗北李光漢諸人不勝酷杖  
咸以誣告自服獨陽陵年近八十五次受訊終無亂言不屈而  
死人皆壯之當被拷時如攻堅木無毫髮痛意衆鞠者相歎顧



陽陵曰此真壯士也。合眼閉氣若死人。狀忽開目厲聲呼曰當此國  
殺壯士家危疑之時。欲何為。滿座失色云。

龔溪李都憲秀彥於吾王考兄弟年輩不甚相遠。而以判書公  
與其考觀察公有同研之舊。故常待以父執。頻來拜退。而與  
吾仲父穩話時。帶酒氣。言論風生。劇談時。輒攘袖露臂。風流溢  
發。後來追思。不可復見如此人物矣。

舊時兩銓長必極一時之望。故擬者絕少。丁戌之際。吾祖考拜相。西  
河公卒。李公翊相。始見擬一除。卽被臺官朴泰淳劾去。臺谷南公龍  
翼是李家門生。地望未必愈於李公。而以方帶文衡之故人。無異議  
及戊辰春。元子定號之時。上歷問諸臣以有他議者。細官退去。



為教南公首言臣退則不敢奉承退矣元子稱號太早何汲汲為

不如徐待長成也古人所謂萬代瞻仰在此一舉者正指此也

自此遂為名人時有胡差來卿列之人南公以金德遠為遠接

使上意方嚮用一邊人留德遠而特命公代之比還朝著

已一變矣旋被臺劾後復竄北以卒噫論人者不可不觀乎晚

節

戊辰二月日不記史曹開政判書南龍翼以憤使西下叅判崔

錫鼎獨政洪公受憲以郎官往赴望筒入自上一不用之盡

起慶特除一日之間象南充滿朝著洪公夕歸解朝衣微笑

吾今日虛作秉筆之勞矣政既畢崔特授安東府使後洪公



以不更赴政 特罷其職沈梓代為吏判

南

余兒時及見打愚叔祖容貌重厚大類我祖考而差少精華終日默然危坐暗誦經傳而已

己巳冊 元子之後 上已有易壺位之意憐念之出於外者

頗暴 后過失於宮內而未有明白處分 聖后情勢危蹙有

不可頃刻在宮之勢一日 上臨立殿上督令速出即以素帕

蓋頭乃與兩宮婢步至曜金門兩宮婢辛酉皆入宮時本家選入

者也一人名貴禮最忠勤宮垣傷有老卒晝眠宮婢呼而使覺

謂曰安國坊洞去此不遠汝須往覓驪陽府院君宅使人持素

轎子與之同來時正字公兄弟繫獄家無一丈夫家人不能知



曲折但依其言送小轎偕老卒往迎之且邀同春孫別檢炳遠之居在濟生洞者搜出家藏中最緊者空一房以待之而已

聖后至家人悉奔迸出寓西小門外宗家遂下鑰鎖外門禁人出入當吳朴諸公親鞠也上怒問閔某兄弟萬無不知之理并拿之上怒其間少息命下義禁府數日後納供以為朴某與臣家有世耶共知之嫌於疏事宣有叅涉之理云尋命放送

吾舅氏趾齋公為廢宮供奉不敢離都下借吾家以居時趾齋公未離槐院母新榜分館之出及第諸人夜着鬼服到門外納酒刺其中西人絕少真是怪鬼輩矣



當朝南人中惟李沃以畿伯時過舅氏來輒問訊廢官安否一  
日環視各家笑曰李相國作此新第時極有人言蓋由於宏侈  
今視樣陋如此耳聞不如目擊也舅氏因指中舍廊曰此則相  
國節少時寓居扶安時家材以木道撤米移構者也沃嘗遺以  
倭柑數十枚舅氏笑散于前曰沃書有公饋兒輩之語矣吾時  
年十餘笑曰吾何以口腹之累常李沃所謂兒輩之目乎一日  
沃又來余在舅氏側自言昔在箕幕時與李進士情親不可忘  
也顧余而言曰是其兒耶此兒已有文名矣仍曲致慇懃之意  
且問老婦安否如何蓋聞沃於文貞公為再從姪通內外故猶  
稱吾母為婦氏云

他日



仲舅丙寅魁柑製直赴遭大故已已免喪辛未當應榜而仲舅以張氏僭號之日肅拜為難不欲赴殿試人皆以禍福恐之黽勉應榜終身以失身為耻自後還驪鄉閉門不出甲戌通顯之後欲以此自引自廢伯氏不許

聖后出居本第之後親戚自不得不入謁時或婦人乘人定時入往留多日而癸酉余始冠聖后聞其短少欲見甚切翌年二月仲舅自驪鄉為泰大忌來十二日夕陪往安洞本第近處問家留宿至昧爽到門外侍婢啓門引入余與仲舅遂入見之則外廊寂々聖后以罪人自處避正寢處下舍素衣素屏以出宮時方有莊烈大妃喪歲久而猶不除服故也案上只有



孝經小學解二卷眼前所見極其整齊侍側者但伯舅長女靜觀  
齋外孫年十四後為趙奎彬妻者及宮婢隨而出者<sup>未</sup>二人而已  
聖后迦笑曰舊聞汝之短少而亦不料如是之甚然視丁卯所  
見則不可謂不長矣世間安有如許少丈夫乎<sup>仍問讀書幾</sup>  
何又能作文否終日談笑和樂春煦甚永間或退休於堂側小  
軒就書樓取出荷潭日記一冊觀之未盡其半聖后又復臨  
話日落始告歸聖后入宮後抵先妣書中有云當日草之一  
見最難忘至今猶記取桂應笠子渾覆一身耳桂應<sup>即</sup>余小字外  
氏耶命也

聖后於閒中無事嘗取色絲以手合成條帶以遺一家兒少余



自己巳後至甲戌嘗服此條帶

甲戌初迸出群凶而猶下備忘有敢言廢宮事者以逆論上  
意蓋欲其復位之舉出自聖斷欲為此設禁矣未幾特下  
入處宮裏之命是日余適作三角之遊在碧霞亭聞此報亟  
還郊廬奉慈行入城慈行直入本第時仲舅在驪鄉未及未伯  
舅正字公與從舅茂朱公鎮周方在本第門外依幕余則留侍  
蓋聞上初命中官開門中官請開門于聖后之下教曰此  
門之閉初非由上命其開也豈煩朝令耶上以諺書勸  
諭至三而後始許開承傳也兩人已夾門而坐于歇所廳號曰  
差條門發坊民掃洒門內都城大小男女填門塞路入見庭戶



寂々草萊荒涼莫不齎咨相語曰以吾 聖后而處此地乃至  
六七年之久耶退而涕淚滿面人心所同大可見矣有士人著  
儒巾來拜於門外仍詣依幕云是趙正萬自謂出官時裂冠痛  
哭而辭歸者矣今日將復以儒士自處故改著儒巾而來拜云  
翌朝伯舅以為今 聖駕將入宮至親之來待依幕者不可不  
一番入辭以此意通于中官使之稟白復更 命入來吾三人  
亟入前日所處中舍寢室一家婦女滿座不瞻 天顏未及一  
言自外急報尚宮二人奉 御書及衣櫥入來吾三人蒼黃起  
出俄而尚宮以 聖后自謂罪人不可更看舊時衣服仰報  
上以手書勸諭再三始更衣供上自初日畢為待令延午告外



脩尚方進舉軍士自狀齊呼侍衛 聖后令人呵禁而不能得  
連聲呼曰次、侍衛 上在後苑待至遠聞此聲笑曰民情大  
可見矣及駕到 上迎勞之直為同入寢殿張氏已自退避處  
于後宮後 上自謂吾當日處分失之輕遽若先下復位之命  
使 后移他宮吾備冕服章自迎歸事體為得而恨不出此  
也 國朝無中宮見 太廟之禮而至 仁顯后特命舉行蓋  
由於當日悔恨之心云

乙亥歲先妣以鄉居窮僻寡聞見且為便於塲屋出入撤家還  
入阿峴弊廬居月餘有崔姓客子來過先妣喜甚之曰兒猷灑  
掃舊屋于而客能尋來豈非奇事耶作飯善待之厥後觀之則



已為則

乃舊日幕賓之子為推奴乞簡於仲父而來非儒生業文者也  
丙子八月吾仲父歸樂公擢庭試壯元當其科次時大提學崔  
錫鼎令試官李世載對讀取其文先為批點兩句恐有異議捲  
置膝下金鎮奎諸人疑之進往請觀欲作戲而以其文佳故不  
果及圻封乃喜曰人不可果疑也幾乎失實才矣榜草曉到而  
公名居第二公不信曰不為則必為壯元蓋公夢有黃龍掛門  
前柳樹手中放蒼鷹上龍頭擢之流血滿衣故自信如此榜  
至果然居魁

丁丑欲求同接之士而難其人尹鳳韶成甫與其弟鳳朝鳴叔  
皆有才名鳴叔又是同庚吾季父往見其翁明達而約與同事



尹於吾為戚兄弟其家甚貧無以為種吾先妣喜為之供饋經  
年不離俱可謂益友矣成甫能詩鳴叔長於策先中己卯春生  
負後乙酉別試及第成甫壬午成進士蔭仕府使卒不第人皆  
笑之

文谷金相公雪亮復官之後農巖公決意自廢其伯夢窩公以兄弟不

一謝恩命則分義未安拜兵曹叅議一肅而歸墓下自後屢

官輒辭外任則多強赴戊寅由白川郡守擢授江華留守將赴

任吾仲舅以知製教當撰其教書而難於下語一日撲被未

病於阿峴曰老筆欲藉少年才子之力金文學昌直與仲舅莫

逆交亦隨至就初草達夜商確成正本以去時余年十九有聲



塲屋間固亦夙成而以長者之尊不憚就議於兒少於此有以見先輩屈已下士之美意為不可及也

吾季父於兄弟為最少幼多病失學晚而發憤力學平居恬靜自守絕不喜交遊戊寅春魁相製當其科次時大提學李公奮拔置之首趙公恭采以玉堂對讀言試紙甚劣書字又不佳必是鄉曲及拆号人無知獨徐相宗恭謂人曰李生漢章即吾外從向年歿於瘍患聞李某以洞內親友提依幙治卷發文親舊中整頓諸具至成服乃罷去固已喜故家有人今果大聞矣

李漢章字天卿故令樞憲李胤也自倉洞移居阿峴與余家對門吾季父同是丙午生最相親好於名義上持論甚正嘗言吾



姪子始以南相之甥為少論吾輩豈以姪子之故苟狀雷同乎  
子始肇之字也使其立朝言議必有可觀而不意夭折甚可惜  
也有子女金確其婿子才娶而早死有繼子云

林象德字潤甫後改彞好判書壇曾孫其翁都事公世恭有少  
論名而不至已甚以其子有俊才一日來見余屬以同接蓋金  
兄礪於潤甫為娣兄也遂寄食於金兄家而來留時余與二尹  
同研潤甫年十六為最少年而其表則所作已二百餘首臨文  
屬對多驚人他文不能盡善然於駢儷則蓋奇才也其後擢乙  
酉增廣文科壯元當時都事丈之意非直為文令余為同接實  
欲漸次向善而其第論議甚峻嘗諫令勿與同事仍移居清涼



橋自後與余寢踈後又為趙翼命妹夫遂不可救出矣使其向  
善如其翁之初志夫豈有象極之危哉是知擇術亦由天也難  
容人力而每想都事公眷之出常終不能忘也

李大成初登科論議甚好權大運死後有叙命世子以曾經師  
傳將遣官官致吊大成上疏以為大運是己巳半日庭請者  
於春宮義不當致吊金公昌直獎詡以朝陽鳴鳳後因疏中  
有庚申甚於甲寅己巳甚於庚申之語為士流所攻斥激而為  
少論之極峻者其子真儒亦於名義上論議甚峻嘗名呼南  
九萬而不稱南相又去姓而呼以家在門外相去不遠有時  
相從議科程文字見其所居室中左右書自警編語蓋自待不



以凡調雖其平日使氣病敗不少而豈料終為迷亂也哉

每四月八日吾洞中諸人携燈登八角亭上頭三門外人士多  
來集者其中李真儒五兄弟李真源兄弟三人尤齊至威備酒  
饌席中尋覓呼與共喫盡歡而罷如是者幾十數年自後禁中  
相見輒說觀燈會到今思之還覺奇惟不啻言前生事也

李真儒好交遊重意氣與李湛李通相親最李通遭毒瘡幾死病裏自

語曰一見士補真儒字也家人走報真儒其儒即來開戶而入  
不敢前曰吾之不畏瘡而暫來為友道也不敢前為親在也李  
通一見使令歸至士補相絕後李通以承旨入對歷教真儒罪  
狀請誅之舊聞耳餘死交而卒相殺不謂身親見也

余於己卯增廣捷初試入場尚記李聖禪看新青袍佩錦筆囊  
頻來亦見余文仍示其所作表幾過半榜出後其封翁仲父以  
其篇體具篇云者表與賦同作之謂也體者未分之辭也蓋以  
余已見其表章且未及知所中為何文故也方李坦啓之初歟  
也人多為李緯寬仲父置對時或勸以全沒酬酌時該獨仲泉  
趾齋二公以為不可不從實及順億承欵之後奸狀畢露始斬  
以科賊累年訊問而終<sup>不</sup>減死為奴濟州

壬午春余捷謁 聖科被泮宮拽到 上前有一老翁先到地  
排上春日雖暖赤身無衣不免呼寒余心笑之曰何許老人安  
觀此科可謂無筭之甚後乃知任僉知丈也初唱名時余認為



壯元及定坐次卽是第八名也心甚悵然此蓋年少方壯不識  
科第之為難積勞兵間意在進士壯元不在於及第也北溪李  
相公時以命官坐依幕吾輩七人咸聚其中喜氣可掬也已而  
猜疾之言不勝其踴躍考官亦疲於拳踢夢寓金公昌集謂人  
曰吾於是日承 命赴慕華館武科見文科榜甚恨其無味獨  
坐及至生事還覺其為幸也

是日余納券後卽出槐木亭下以便出去之路泮人忽來作援  
權職在傍怒起呼曰熙卿擢第矣洪格迪亦在鄰近聞之便頓  
足曰喜吾今以後可為進士壯元矣蓋洪新有才名而以吾為  
強敵喜其除云不覺其真情之發出也

監試會試仲泉金公鎮圭入一所吾伯舅趾齋公為二所上試  
得洪啓迪詩合榜時仲泉言故例壯元必出一所力輔洪欲置  
首膳谷李公畬以一所上試官乃言曰吾方叩主文無論一二  
所常取其尤者遂以洪啓迪為壯元洪一輔為第二趾齋退而  
語此事曰惟知舊而必欲南人出於常情之外此達甫偏處達  
甫鎮圭字也

閔致龍廣州人明經及第性聰慧善記注嘗余在下齋時頻涉  
堂后致龍與趙泰億李廷濟最相親比出六後為騎省郎李學  
禎初以鄉里微賤由是不得通情到辛壬間泰億輩大得志  
攬拔顯力致龍便歸卧鄉里曰除官出於誰手此非士大夫從



官時節卒不深跡人以為難以致龍而自異於泰億廷濟誰所料者人之見識一定誠有不可奪者矣

趙聖復士克少余一歲壬午別試以策中第語訥而才敏屢擢堂后久與之同處論文外絕無凡俗語相得歡如也一日上親臨宣政殿試文臣講、負始認以臨講上猝然下教曰臨講不知始於何年而不可一向襲謬自今日改正背謬為宜明經新及第者外無一人開口者時又酷寒士克不着暖帽耳輪凍直誦詩傳一篇琅然無一字錯觀者嘖、稱奇莫不以為難及辛壬之廢士克言事嬰禍初配絕島屢被逮拷掠甚酷人謂士克必不勝杖禍將有迄及虜獨余保其無他曰士克外似羸

弱中則鐵石人也已而果驗

藝文雖舊掌詞命令則不自作而但分排於知製教凡有致

祭及教書不允批荅之屬皆以某官啓下後卽以片紙

報於其人權在下審矣一日樞公尚游自王堂直廡來訪謂有

所請事蓋後宮朴嬪嬪喪當有致祭願勿差其文也有李震發

者善屬文凡有述作皆無所避畢竟惴於震發卽為製進其下

段曰迨已天上惴侍二妃周南舊宅想同平時雖未得王言鄭

重之體而無辭之地亦可謂善措辭矣

尹公世紀肅廟乙卯登科庚申後堂上老於喉司一日以左

承旨赴朝廷問安之班金公昌集笑謂曰君之鬚邊玉圈太久



而歆寢黃矣尋除畿伯旋差價使比還進拜兵曹判書

時李公禽為左相每入對動引經傳不然則必稱程朱之說惟  
似迂濶而知是讀書宰相終勝於凡俗常調矣一日次對李公  
頤命初赴坐李公海朝以諫官當入余在闔門外見李相公喜  
形於色後日緣回過謁燕語以為蒼叔出膺備堂子東又新膺  
命二人皆是人望安得不喜此亦大臣言也蒼叔頤命字也子  
東海朝字也

時趙公泰米新除守禦使尹公世紀拜兵判資望皆淺公議不  
恆子東以臺諫上疏并論之衆怨如火尹至發言稠廣中曰近  
日吏曹弘錄視古甚下木川品官之外孫亦為之蓋指子東之

外祖柳邑宰而實則柳非品官也子東之不拜銓即實居此語  
而然也尹公引入撕捱上終不許進屢牌始承命見於政  
院則尹歆卧傲視而笑謂曰吾非不欲即出而直畏君史筆角  
吾仲父在王堂時余為翰林下番每夜過拜王堂時番次苟簡  
相與督直者惟李觀命權尚游二人仲父雖脫直二丈又數見  
數是以職事外多在王堂直所李公持論峻正與人言心所不  
是則輒環目視之權公常笑曰吾不他畏子賓眸子耳子賓  
觀命字也

一日自闕門進朝餽權公見家人諺書笑而擲於地以扇揮之  
使遠而飛去已而命書吏收拾以來讀其書曰夕食無資奈何



仍又自語曰吾亦末如之何也又大笑不已

李公擢沁留肅恩後新懸金圈過玉堂其兄觀命方在直僚友哂之曰弟已做宰相兄則尚淹此直何生之先而命之後耶李公曰吾輩無事業而只做官則惟此官啣不過為銘旌之用子孫之榮吾之校理何詎不若留守耶李公健命也

李遂大年少有文余甚愛其人連為宣力屢為假注書或以余有意史薦以此遂大多得謗於渠之儕友間一日伯舅笑問曰汝欲薦李遂大然否曰其材則沈滯可惜曰其叔文興來言與汝極相親必由此而有是言也過史薦後為言於銓地欲通說書而亦不得

金始鑛年十九以策登第初以假官入侍記事楷字而不用草  
其速如飛真奇才也黃翼再亦年二十二登科余與之同處堂  
后每夜令誦詩經而聽之兩人皆居嶺南余有意攬掇兩人亦  
皆有向善之意而畏渠之儕友疑謗終不可回余惜才之心終  
不能已其後兩人皆來見於郊外蓋亦有舊情

洪萬遇以同年嘗為假注書余以下番同處屢日間與之論及  
西南初分時事洪曰東學疏時西人若輩舉粟谷則吾輩欲從  
之特亦憎成某耳又曰君之所推尊所謂松江者直索性小人  
曰又問沈義謙之孫有誰耶曰沈宅賢也余孝元亦有後耶萬  
遇笑而徐荅曰金偶相云矣蓋甚輕之也洪又言南人則愛惜



名器故已已以後文衡惟權愈一人西人則無數此所以西不及南之一端也

甲申獨當新薦以洪禹瑞軍舉回示諸先進李相公奮披見薦紙曰此薦豈有以為不可者乎仍要與閑話以私問曰中古則南少無瑕累者新出身時例多參錯矣今榜方無可者乎曰洪萬遇以翰林先生之子年少聰明以人才則正合此選矣李公曰以此人為首薦則豈不好耶吾曰愚意則已已後南人不可用中書參錯之例矣李公曰余偶未之思年少正論果是也

當稟先進時朴行義見薦紙曰洪是趙渭叟氏甥姪耶誠好矣歸以語洪尚書則笑曰吾家自國初世掌史職豈待趙家之力

他

而後為可耶渭叟靜菴先生之後也洪為翰林在下番時臺諫

以否為水亭

請還叔柳命天身後叔叙之命洪以柳於其翁為友婿每引避

不肯出接臺諫儕友笑之

四薦時獨徐相宗泰感補洪有孝行著文翰史薦可謂得人矣

沈仲良則下庭而迎之及其視薦笑曰朝家既不令吾輩參涉

於他事而獨問何為答曰不問者非可知而問者參涉可也畢

竟亦補好矣

余初脫下番之後七月初始上吏閣直處地深幽有似山林下

番則後苦故雜後勿侵矣到上番之翌日雖吏已以文官發議

舉業來示前以下番懸壘故發講文官被抄多年而不知為何



書始遣館吏探問禮曹則書乃書傳而講則背講期在數日後  
勢甚迫急未暇多讀只誦堯典而止至伊日就講於仁政殿李  
公奮為命官抽籤偶得乃命義和欽若是天章並吐釋本註誦  
訖試官李喜茂曰此舉子年少聰明多讀書之人宜令從頭盡  
誦遂誦堯典一篇訖呼通講罷松都文官韓奕迎謂曰殿講常  
時所應者惟吾輩明經及第人今日得內翰背講甚熟吾輩與  
有光云余自幼時姑夫洪尚書所居舍同室故長見其姪子禹  
瑞於其座上禹瑞視余以後生余則視禹瑞世友矣偶與同年  
仍為上下番館中古風甚嚴少有墜落實為屬之甚故非欲姑  
為侵困只是不失古風而已闕中諸人無不右洪而非余上番

書在  
傳幼

來坐堂后則下番輒避走柳房款相見則八坐下番房邀見而  
又令下番拜謁而上番坐受之而已其子啓敏年總角時來直  
所見老父避入直房不敢言而敢怒每伺隙嗔目視之

下番許叅後書納時政記者舊例也仲熊以老眼昏眸難於正  
書為辭屢因人請免而不得一日所納時政記中戲書之曰是  
日政李晚堅為吏曹正郎初頭稱訛其下隸以不能嚴東子第  
畔官離次出入無常侵侮長上恣行驕虐同列不堪其苦有詩  
自傷曰鄉里兒童成項領誰憐半死白頭翁見勅退送使之政  
修以來達夜不能寐翌朝又招來用沒頭之罰坐是罰時政記  
書後盡一月乃止



金相元於趙泰億為上番不能撫東下番古風幾盡墜落泰億  
稱為金菩薩人多笑之故余為下番時金相元不可不謂之柔  
善而微前之為絕不為須資吾仲舅為全羅監司下直是日也  
終夕來坐堂后余無路出見仲舅稱以先生手開榔房坐語房  
外與語良久而罷仲舅言吾常經歷此備知職易失時必須預具潔  
飢之資到完營後頻送燒酒以乾鰓為肴余不獨賴以禦飢用  
作賂物以上番好酒故欲出外省觀則必持酒勸以數杯輒曰  
下番近日稍知人事矣來醉顛乍出則許之小出選擇國忌無  
故日而出去後則巧值有事送人促還者數大抵上番為下僚  
須資則終日代勞多取嗤笑故帷飲為而不肯為也

余於八月十五夜同堂后假宅提壺翫月適仁政殿庭內最後  
到殿後則仲熊已先與典設別提命健仲強同遊自庭內避  
而到殿後松竹間既而又避往禁川橋吾又轉往其處仲熊無  
地可避同仲強入廬曲設直所吾則坐在橋上邀玉堂直負李  
尤子賓呼酒盡醉更深乃罷宿尤懇請邀兩友共飲而竟不許  
仲熊不得着月待吾輩興盡罷回乃悵直廬仲強笑謂人曰吾  
輩恨未第今見仲熊白首被囿於少年窮蹙之極至欲鑽地以  
入不得哀哉觀此還覺不第之為萬幸也

秋曝史五簷仍向太白路過鏡浦竹西諸名勝到越松亭留宿  
萬戶草堂明沙十里古松列立景致蕭洒不似塵間境界進萬



戶而問之曰此草生非有仙緣者不可居也吾以吾職易君之  
官如何對曰料布甚薄此為切迫未暇他論也悌而語銀僅歸  
公曰萬戶之蒼若添景則好矣四字則言出中情不可咎也而  
但令後風景矣仍誦道題尊堂詩湖山肯搜三公貴男子當為  
萬戶侯之句適李應教徵龜來過言方謀一麾人謂茂朱之好  
而奈邑况之薄何一承宣笑曰此學士乃越松萬戶之倩耳仍  
細說此事李亦大笑

李弼善彥經每自赴書造休憩於堂庑有兒子年可十餘歲携  
來直中令書吏掀頭隨後而來墜戶手撫其頭憐愛之意形於  
色辭顧謂余曰吾命甚窮多女而只有一子離區々勿笑也問

女數幾何曰三襲有半耳其兒名春躋後登文科方為九卿

春秋雖與香室為隣見鄭直長赫先自尚方直所每携兩子年  
十餘歲者朝而至暮而返蓋以香室入直官例多明經及第人  
輒造香室令兒試講誦日以為常課業之刻苦可推而知後兩  
兒俱擢第是為錫三錫五也

夏月柳房寂為下番苦狀吾仲父直政院時仲熊在柳房稍久  
難堪則輒以赫啼告豈曰活我止則仲父呼余使上來下番即  
出柳房又或由棉越窓稱以如廁潛泄政院堂上廳事脫冠帶  
而哇偶覺其欺而又使人邀與相見則還復由棉入窓言自柳  
房出者然受困多類此



下番被囚之事數年不可勝說而吾亦一番大見欺於下番一  
日自史閣往堂后前導隸例為大呼曰上番八矣下番直若  
走避而安坐不動視若尋常蓋仲熊曾為注書與政院堂上下  
至吏隸皆同心欺弄適方開政自政院移送薦狀仲熊已單付  
注書史館下人使不得與知吾亦茫然不知尤見政目而後知  
之以下番忌故在再明故陳情乞憐致有此事余即為草疏感  
陳喉司用私欺弄之狀乞還付本職仲熊僕之謝罪請耐過兩  
日後還付李彥經在喉司見疏草嘆曰此酷吏手陵也顧諸承  
宣曰君輩將何辭自解余歛上而還止後日仲熊復還舊職  
吾兩人為上下番議薦時無難處之端惟待新榜之出及榜出

儕友中獨金堯澤一人丁父憂不得已取李澤至於彼選則李  
台健命力勸金東弼其言曰論其世系五代已斬且有向善之  
心而終不能輕許洮壽隕人地固好而以有滄外孫壻婿為其疵  
累若論家世無病瑕惟李真儵為首薦李澤為末薦四時不無見  
塞之慮而終是京華望士卒得無事

適有江都考史之後余以史官偕知春秋金公鎮圭下徙數日  
可了之事延拙多日及四程春塘臺設塲在明日自通津來宿  
金浦朝發又故為遲一日今日開塲我則免試作之勞君之觀  
先於取士之隆則有餘矣勿慮也午鼓時返命李相隨命苦侍  
其還不得已以提學代主試事返命後以自外入來亦不參攷



他在  
他

試李公潛罵不已余則笑而已而出榜其姪子雲澤得叅金公  
益喜曰吾今日幾又不免親屬誑矣蓋徵<sup>義</sup>於壬午也以金公  
之秉心公直畏避科試如此可知世道之危險也方議新薦洪  
禹瑞李澤欲取尹鳳朝李真儉力塞之無可奈何會真儉移說  
書余臨將出六為下番畫計使待真儉入直春坊日往見之試  
問舍尹宋諸人別以洪致中申請夏兩人先為之如何宋是宋  
成明與尹作對者矣真儉曰豈不為好但恐一奉教必無舍尹  
之理李澤曰雖未知一奉教之意而萬一見許則當為完薦矣  
真儉則不知出於吾議而錯認以決不成李澤歸報即出坐起  
令洪禹瑞李澤齊會遂一言而完使為回薦而出去館吏往告

眞儉

則始知其見欺而業已許之但無言而自笑曰今番薦極虛疎  
吾輩只得一洪而洪是半老矣

李整以兵叅入直余嘗於出入過路一見之初見便曰君之登  
朝已多年矣今日始相見矣古時重先後進吾之初見便呼以  
君者用古道也今世則不如此矣休見怪也仍從頌言少時屢  
為王大監在銓時即官也頗致慇懃之意又曰前時禁中酬唱  
多出於翰苑玉堂今則未聞也適曹吏報申時著名於入直者  
記見弘文館直貢趙道彬金興慶笑而遙指玉堂曰如此輩人  
何以酬唱呼蓋其簡慢驕亢素性然也

余兼訖書入侍書送賓客趙相遇輔德朴行義同入至論賢邪



進退之際吾則曰人主當以窮理知言為先於人苟知為邪則  
必若惡草除根一切鋤治雖百執事之微不得存留於其間此  
非臣之言乃朱子之說也行義曰朱子亦失於太過人主不可  
用此等論吾曰朱子之言亦以為太過則尚復何說辨論不已  
趙則無所左右拱手默視而已行義又盛陳易泰卦包荒之義  
吾請出外書進歐陽脩朋黨論及朱子與留丞相書及退坐書  
筵廳朴謂余曰幼主豈可使聞此等峻論吾曰患不知人苟知  
其邪則惟患去之不速公何惡聞如此豈近於邪耶趙又嘿然  
而已

余於書筵講書傳仍問

郎下常時期何如主

東宮舉程子

對神宗安敢望堯舜之語而教之子所期望亦豈淺哉臣起  
賀曰此實宗社萬民之福也遂引堯舜孝悌之道而反復申誥  
之蓋其時延訪雖絕稀間有答問又或有出常之道此是乙酉  
間事至庚寅以後聞宮官言則患候漸深痼至形於外不復如  
前日矣

丁亥余擢重試第三名唱名後翌日八書筵東宮未及誦書  
便向賤臣而賀之曰下番再科奇喜可言弼善韓永祚出而詔  
人曰吾乃今知重試之貴也以是語觀之其不為時病可矣  
余於重試唱名三日內歷訪諸親黨到南小洞李叔碩亨家遇  
雨解衣休憩仍與論相語及壯元金一鏡則前頭一時大用威



權官至兵判而末稍極亮云其時此人之為此官萬意不到  
者到今思之可謂神矣

戊子承命廉問閬西到安州遇退校語故事自云李光漢為  
兵使時等此城也役夫數萬人衆而皆一齊赴役食時一齊共  
食無一箇居間遊惰者誠一世之奇才也光漢為青城所譴拔  
衆保社勲已已殺掠誣服而死云到昌城一夜城內外人家皆  
哭云是溪河之戰我軍由此地入去無一人生還是日即其戰  
亡日也府在江邊役地逼近賊來時山勢高壓無以候望倉卒  
無修備之策朝家欲移邑巔處溪處而於邑基改置邊將聞趙  
世成為府使時將設施而中寢故索其時文狀觀之其所區畫

井、有條理可按而行之真可用之將才也惜其不能大用後  
聞其子價儉為李先佐所擢用

道過永柔遇一卜者休憇道旁大樹下問帝者云自江東來者  
是名卜云余下馬就談自謂春間為推奴行在道遇夏不知家  
間安否如何行中休皆亦歎知之盲人持筭筒搖之良久諭示  
縣詩曰踏盡關河萬疊山少年王事也無閒青春衣上如添錦  
冠冕金門得、還仍笑曰占辭如此分明決非推奴之行君勿  
誑我遂無語而別

適行一道近世方伯惟李世載一人能控道內百事而提其頭  
腦各邑鄉邑之政推論者項背相望一道畏之如虎云



過昌洲鎮。下有僉使田侯種英之碑。作午飮於村家取涼食  
于碑旁。有宦軍官一人來話。偶問種英何地人。曰江界人也。往  
年為僉使初到時。不知一丁監兵營報狀。皆借於軍官。一日發  
憤欲學書。求得史略於巷村之家。以鎮吏為師。先令釋其義。以  
他紙謄出其字。旁輒書其音義。則又以謗書之。了此音義  
便新受一日十餘巡。不多日畢。初卷緇以其下三月而史畧全  
帙既畢。又讀通鑑。如是一年之內。報狀更不借人。自能為之。立  
志之勤苦。未見如此之人。云方巡到江界。先文分付州田種英  
使來待於府下。及至招見。好風儀。善談論。可謂豪傑之士。詢以  
江邊諸瘼。仍出給帑筆使之出。而從所見。條陳以進。文理通暢。

視僉使時長得屢格遂拉別單薦人才時儒生則黃順承武士  
則田種英自 上特命除守令先是趙相之惠曾經江界伯與  
種英相識故在銓時以種英爲順川郡守以多受蔘貂故有此  
除謫言大行種英竟被臺彈而罷意外登吾薦章起家又拜碧  
潼郡守世間豈謬之難信有如是夫

寧遠有尹居衡者以萬戶退而家居不復就仕惟專心讀書行  
義可尚吾於廩間時適未有聞竟失薦刻還後始聞之至今愧  
恨其子濟世亦業文其家号爲善士云

余於東平都尉鄭公雖未得造門請教蓋一時宗室儀賓視爲  
法則海昌右篤信之屢遷於其家又或夜中有輿來到海昌與



余同寢客至輒移余寢具於旁舍卧而聽之則多聞見慣於世  
情而或有不仁之聲見於語端又扶掖人家微細事以爲明強  
近於孔子所謂激而爲智者矣異於夫季直之喪親日陽景其  
同接諸人宋煒先亮來會余亦同坐見東平尉來哭視季直蓋  
如已死者而其哭不衰暗數之只是十五聲亦可見不仁之一  
端也他處哭人不出十聲云宋生與東平同庚一洞東平以其  
疏憾賢都尉之孫張恒曲至凡有書閤新刊冊子自家件外尤  
印一件以與之他事皆類此事直之爲同接亦望其指揮宋清  
名甚盛尹淳徐命均諸人皆從遊之况彼東平之恩如此而終  
不學徇徇其見識之過人遠矣

東平尉所編達閑錄多有砭俗之語蓋其論議存少而心則稍  
公論人長短頗得其實於少林諸賢少尊侯之意不欲離於流  
俗寓寤矣

余為銓即時李世最宋成明為同僚於說書新通李命世俞命  
咸尹鳳朝來問意我必為尹願聽新通矣余以命世得眾名我  
俞素多些謗寔之不得用其理宋為遊說至來見於蒙而亦不  
挽



三官記

心

余生六歲受讀曾文忠公聖訓年十五考滿政府君以騎判赴某  
華縣楚軍部待余隨性觀之指而言曰昔黃帝軒轅氏習用干  
戈此事豈微此而作耶痛斥諸公皆補奇諸君從而譽之播傳  
於外其早有名聲蓋存於此

朴齋美瑯因惜佳頌容言於系奉大父性素西家以吾與君同庚  
故輒傳君才譽吾晚而能學君而愛父兄之訶責屢矣系奉  
名源錦溪君之子於吾祖妣者述叔故也又言系奉惜備傳七  
歲作游魚思碧海既鶴夢滄洲之句此非塵俗中人張宜君早

年勇退也此以下皆追述尤前借五朴流乃天生理學和叔類聚理學朴氏至

今傳道之區如此

吾士歲甚短少先妣嘗言擇婦款得短少女子使之相類祖考  
曰吾儕中第論短少人無如吳元徵聞其有幼女吾為汝求之  
元徵乃陽谷吳公字也一日聘往納婚就見孀子通性其外家  
云還後語其室婦命余作詩即對曰吳氏尚書女乃在碑石間  
衣闔有異行豈徒顏色佳何日悌我家盡孝事此堂其詩傳于  
世崔昌大即吳公第二壻也於末向上衍成十餘句使孀子佩  
之吳公見之以其語多嘲謔不喜之崔乃自服云  
金銑根打愚從祖之外孫也長余二歲有才表而性吾祖者召



使與余賦詩卽景面試之余未及成而金詩先成有梨花風來  
滿院香之句長老歎賞以爲絕調余別請他題作送衛青崖去  
病後函奴序以呈而卒不能壓倒也其後金以大手筆有忌塲  
屋僅成進士不第而終人多惜之

丁卯余往外家 仁顯后園要一見久矣二月某日由星備門  
小黃門背負而入到后寢殿俄而宮女齊呼曰 大殿八 后  
迎謂曰吾兄之子每要一見而持難介始至矣 上曰是吏刺  
之孫耶使前問年又問讀何書對以讀史略第五卷命官人取  
第五卷來使讀卷首教行訖問之曰太宗起義兵之事何如對  
曰太宗無湯武之志而行湯武之事難免逆名况痛父叛君罪

在莫逃矣 上稱美仍命賜史略一帙至今藏于家

已已打愚從祖之遺禍也有子連人皆有齡自典獄逃禍由是  
打愚庶子晚頭及門生世方同日槩死時則鄭維岳為刑制也  
余方讀通鑑誦嚴延年母語曰天道昭々人不可獨殺此言為  
有徵鄭氏之族亦亦矣仲父亦稱美其後維岳之子思孝唯產  
繼頭思孝之子道隆又擢縣紳戊申庚戌思孝父子并以逆誅  
死吾則及見而仲父已不能知矣天理則果不可誣矣  
身未大卹焉大錫奎來花郊宴談以為有顧人有學識者言西  
人每奉崇谷而觀其文集不成貌攝使人大慙焉在其尊奉之  
意也余聞此而心甚病之中年數次取見果如其言及閱第士



術為海州掌書出一本隨意刪正先生庭玄孫鎮性聰穎最慣  
熟斯文事資本末還令盡取家藏古書以來相講取金壬戌就  
克論二君之曰栗谷先生全書又右讀別錄集外書詳在  
此例於是文集之體始成特時刊行此書數本藏于家又送  
置於賢書院

余年十四時冠識筮嶺望凡趾齋公舉李平康喜朝選舅茂朱  
公舉鄭平澤齋斗吾仲父笑曰兩人皆是妻客以舉非別人也  
蓋吾舉妻甥故也竟請李公之之翁婿朝為贅李公色笑溫然  
可親善從故事身又清癯清視而不果就但初以學問旋又曰  
君之狀貌酷似聖敵黃柑及第可必學問不可必也聖敵吾仲

舅字也仍向君仲父而言曰今日世道固無可望而少年如此輩人徃々而出陽無可盡之理故家不亡國不亡矣是夜西李與趾齋公呼酒大醉達曙而罷

癸酉季禽於吳氏之門時陽谷已逝有子五人其仲晉周仲明崇巖之婿與余同庚每為余道崇巖教澤之盛洛中賢俊多從遊云於余尚有攬撥之意君仲父亦欲使去處澤獨先姚以為不可曰金氏文章太勝教人亦無有弊吾末世從師不可不慎既汝兩家父兄皆可師法不必他求是以果不往焉

余親陞補累敗以是不親時趙公相忽為大司成一日使趙直長公輔送言謝其無鑑識失才之過且要更觀余京于趾齋舅



氏使依其言更觀一二次果得偃等盡教漸多則不赴為可後  
果得兩三<sup>次</sup>上其後不復觀

己卯春余三觀合梨皆敗時徐文祐為洋長畏公議至陞補缺  
得畫為壯元及赴會試入場聞禮部杜權疏論陞序不公事雖  
非指余而言終塲是陞補初付情勢不安以此言于試作而請  
出去則不許使待先是尹鳴叔與李準李通同棲皆屬捷佳余  
同梨則亦幾占生負一名矣

余於壬午春觀大小科陞序無不屬捷惟北合梨遇至京師正  
陽秋偶待時呈奏或謂元韻失押遂削書其末句云魚腹之大  
以杜楚不然安能容屈原痛公尚游以西學魚作力主黜去金

大司成鎮出口無以為也恐失才子耳稽曰無論才子與否失  
才之謗吾自撫席未久擢第過玉堂權笑曰吾每見君詩有魚  
惟大世間安有如此凶惡之魚哉惟請我以盲試惟朱筆大抒  
快差吾心耳

之固不易知吾於駢儷早得名而未嘗用力之深至於科時所  
作則亦未能得意榜初出之時李生重成在衆巖座上見吾表  
甚毀之衆巖則稱為名作謂李曰君不識此表之為好渴科達  
矣可悌讀此矣

余不幸早登科又席父兄之執為重作世以積慶因其執然科  
後即遭崔世騷之誣辱無意擢進六月後史薦累不就講股禁



推癸未二月就職又聞被呂尤重疏論乃遇權臣請按之  
詹益知世語危險不可以有為得親命早決退休之計而蓋以  
此也岡榜中如李子東則時除兩司一違呂即罷免吾與仲熊  
則席諱難於轉側被囚甚顛沛者多矣崇巖金公嘗論此事  
以為彼倫雖無狀自己虛陽為重恐不可進出仲泉金公則曰  
若有毫毛不自嫌則惟終身自廢可也既橫遭誣蜚則一伸虛  
隅足矣趾齋舅氏之論亦如此吾則自謂參用兩說而得中矣  
自癸未春鎖直下番甲申七月三日始為上番移直使館在下  
番時則例修時政記矣嘗聞鄧相國太和為下番時逐日修史  
三百年間能修舉史職惟此一人心甚慕之以為可法每月作

三冊二則使群吏謄書 造誥及疏劄一則歸時政撮要某日  
入侍及朝中大小事皆備錄焉於外方可載之事尤致意焉搜  
集殆無一遺又申飭備局吏整納月終冊畢竟別作一冊名曰  
史簿惟臨時按視正書而已省勞甚大在下者時日月暇多無  
難了之時此可謂修史之妙方也

修史時、政撮要十七冊史簿三冊至今藏在于家而史簿事  
末論斷處臨書直載不為移錄一經洗草無跡可尋追思之良  
可惜也

在下番時終日人苦滿座公事應接少暇或得片時之閑輒因  
出觀夜間看書未能盡卷疲困就睡及陞上香地僻處閑無以



消遣日夜始思讀書自念少日才分不甚曾下而誤為科累所纏  
失了少壯之年今則得魚可以忘筌做官不至奪志及今不圖  
更待何日遂留意文章先取東西都賦讀數百遍欲以開拓基  
地次讀兩漢文繼以唐宋八大家以尋其蹊逕如是者數年方  
悔之矣

嘗出遇宦侍於路上騶從甚盛當街呵辟無異宰相名士其驕  
肆之習已不啻兆見而已納言時言事疏其一畧即論此弊以  
為觀於豪奴悍僕而家長之政可知請加裁抑 上批宦侍騶  
從禁之為宜其後又作東京行蓋言他日必有黨錮之禍自是  
益決退休之計

丁亥觀重試駢儷之文歲久心地如塞深患不出初作引表以  
開路運方書十餘句朴學士鳳齡苦止之曰重試引表似若必  
中者然萬一不中徒為勞而貽笑於人矣遂即去引作表以三  
中擢第<sup>三</sup>唱名後往拜蹕齋李相國頤命即命官也相公曰重試  
雖異於初科亦有數焉聞君初作引旋去引然否曰何以知之  
曰吾家子賓是君輩所補老樗長以此聞之科規一場必有引  
表兩券方可取舍然則毋論好否而直黜之矣竹泉金公時在  
德山謫所馳書以賀之曰微君吾黨幾乎闕榜矣時金一鏡為  
壯元李師尚次之其下任守幹餘則羣小故云

丙戌冬由典牲主簿陞大考見先生案則以史官為是職者



國朝三百年間唯張玉城晚與吾二人時東平尉鄭載崙為提  
舉肅謝後即往納刺鄭公待之甚厚且謂之曰付職後不為即  
日肅 恩意或厭薄欲不就矣今聞稽謝緣實病而然前料誤  
矣勉以無卑小官之義仍曰君豈文於此官而雖一日不可不  
盡其職事遂自是夕就職視做度所幽寂最安讀書主簿掌牛故  
每朝以所喂熟太來觀視使之親監喂牛尋遷兵部

屢擬正言而斬點人謂偏蒙玉成之 恩戊子初拜正言於春  
坊直中承旨即肅而未及署經在家優閒矣一日朝有牌招蓋  
於昨冬入於御史抄選昨已有待明朝牌招之 命而喉院不  
為預通也兵曹書吏廉承桂即議政府君舊樵樸直解事先已

約與同事至是呼來使之預頓行具進至銅雀津頭而先入關  
詣臺廳命相避書入既而中官出來授封書到南關王廟與洪  
學士秉休相別不拆封書易服以間道而行至銅雀津村舍待  
廩吏之至晚後上山頂始見封書知為關西蓋前此分遣繡衣  
于諸路而遺西北以吾<sup>西</sup>料洪之北也按地圖先笑行程由碧  
瀾津經延安出大路以其時使行旁午且有關西新舊伯交迎  
之行嫌其紛擾欲踰慈悲嶺到此為關西祥京地既定了行程  
遂前發夕宿水色村去花庄不十里時季父方持喪寓花庄默  
坐誦君命不宿爰一句語以抑其悵惓之情且意明朝度前野  
去時自然露行色不留書朝來直發過大野不遇一人相識者



但見休亭入望馬上咏歸去來辭以見志余爲聞香山之名過  
寧遠熙川等邑知是咫尺而忽念唐宗戒御史以毋歎潘孟陽  
飲酒遊山之語朱胡文定公過湖廣不入衡山事終不敢入有  
詩曰咫尺神仙宅蒼茫遊子行不因王事重直可世緣輕花柳  
迷西塞烟霞護赤城平生孟陽戒駐馬謝山靈又曰塞外青山  
似故人相看一笑却相親展顏不老吾年少別後重逢知幾巡  
其後有意一訪而未能焉悲遂成遺恨也

自合遣御史時封書中數十条後日爲邑時誓不犯後爲水原  
府使以封書所列揭于壁上以自警者其中屠殺農牛一款此  
邑雖無禁他處最易犯更爲州府則必歆試之而未能也

西路事就列邑民人星狀撮其最要切者道遇品官之有智慮  
者亦多採其言且以城池閘防經歷隨所見區畫詳盡於別  
單中李相國徧見之曰吾為閘西按使二三年猶未盡悉利害  
今以一時暗行而得之於時月之內纖悉無遺非盡心為國何  
以有此大加稱賞吾仲舅即為回啓多所聽施謂人曰此君年  
少才識非吾輩所可及其後經入水京之薦至以末擬陞恩

點者廢由於此也

初為吏即倉卒承

命不暇思量矣後聞竹泉金公之言則以

為積善之家必有餘慶一句見擯於士論為名士者何可為其  
即僚時崔錫恒為判書故云此是正論雖推謝而不可及也至



今思之甚覺愧恨

已丑秋由吏部出為北評事自前裕聞趾齋舅氏曾為此職自  
金剛山為始歷覽海山之勝數千里行役了無公事之閑我到  
處跌蕩能詩酒者詩酒而已世間未有如此好官故無靜適之  
意惟以連歲離闈為悶切朝行間或有為之言者李相頤命謂  
徐宗泰曰如李君情私直見諒於孝理之政公未可一言耶  
徐本敦孝之人亦有意矜憐而以無自取圖免之事故終無

道白

此閑事錦繁華之地况自柳評事鳳瑞盛感官妓錦浪而死益  
知席尾春冰之可畏去時齋心經二卷歌置之座右以自警者

矣到鏡城處於載筆堂所定房妓五六名晝夜同在一室凡百  
使令不用通引以至作書作詩展熟磨墨一委其手自然親好  
忽念朝家置妓物專為別是郡邑則潛奸有禁令監司則年位  
俱高不當押賤妓平生喜不近亂色則固好而如其未也惟此  
時此職為可抵不可失臨牋一有所賜牋路遇咸興房妓輩笑  
而相謂曰吾屬不及鏡城妓速矣此許事道去時惟端坐看書  
嚴不可犯情時過吾邑雖無留情之物語笑琅然相親非鏡城  
妓造化而何如是頓寢耶余聞之不覺顏色心經在行轅中而  
不見蓋久矣後三十年門生李河述為鏡城判官問府妓之老  
病周恤有加厥妓始上書說感恩之情余以詩題其書背曰少



時偶失春冰戒今夜翻慚老妓書云

余連年以王事奔走西北別時先妣惟勉以慎身奉公少無嗟  
勞語及婦時姑備道中間傷離之情其貽戚多矣怛然傷懷遂決  
休官之志先妣情從容頌問曰使汝出仕郊廬則可能相守而不  
失離耶對曰庶幾在膝下時多難別時少矣在止暮時一日家  
書至先妣書中微及出郊之意此還已盡室移寓於花田時已  
母臘月也小子反面於郊舍仍曰胡不留待小子歸更確而後  
出耶先妣笑曰凡事逢疑則不成知汝雖婦尤無他意也  
一日讀顏子好學論深有感於聖人可學而至一語自是專意  
學問聖賢書中先取小學讀之以填補前日之過失其後一依

朱子讀書次第讀大學則不知有論語讀論則不知有孟子並  
章句集注盡為成誦而後只讀正文字尤其訓句尤其義期於  
一字無疑而後已小註則不觀也四書既訖先觀聖學輯要等  
一篇果知義理名目次及心經近思錄朱子語類等書要之小  
學為始近思錄為終但其所恨者不能盡心於朱子大全徑施  
節酌之便捷晚來始欲從頭理會過而每患其虛博無涯終不  
如少時用力之早也李德壽好文者也大讀佛經三遍金上昌  
翁相親與余對舉而語人曰一則讀經書一則讀佛書不知此  
二人終竟如何云爾

於文章終不能忘情然誦辭達而已矣之訓以自解晚覽學前



甚高不可及其常時作文不經意及其論說我理則筆端有

古淵、真樸

常題悉闡春祝有云商也由來戒色難仲舅見之謂曰聞昔清  
陰亦有斯病終改而未能金氏子孫蓋至今有此風矣自後益  
用力省治每入親側必口誦禮記發氣滿容一句詠年久之後  
始有臉至於接人之際亦不可掩

庚寅以玉堂屢辭召命仍上疏引皇明御史陳節烈故事乞身

終養上批爾之情理予甚矜憫而終養之請有難允許爾其

勿辭

將母上來無曠定有此為出處大節相惟未蒙許旨亦有定

異璫常近客語此事曰始也謂終養之請不允為雖不為此亦

此  
卷  
在

可不仕矣後日到均田使力辭脫諶之日方知此疏大有關  
於出處之節佳非常情所可及也王

壬辰春差江都試才御史自花田抵江都僅二日程了事亦  
不過一月而顧念情私恐有前後連近取舍之嫌親候又通  
有腫患遂上疏辭上許之是年秋擢水原府使此於私計  
甚便好而自念數年內職都不庸命獨於陞擢之際晏然冒  
赴深有不妥歛避免而後已內外父兄之議皆言其太過且  
以李世澆因壬辰科獄換及壬午科事而誣辱之情勢亦甚  
難安廟堂適又空虛至十一月始加敦迫勉赴任而竟所  
不樂官事都不入心又自夏間弼威以來為念親厚外似寬



抑而內實消鍊積哀結中仍成心恙 朝廷亦諒其實病難強

二月白 上遷之

乙未京兄汝章以瘧喪室洞中染氣熾蔓不得已奉志闈入京  
不多日除兵曹參知仲父力勸出而末敢從命蓋以為惟一  
時避寓於城義當以在外不仕操一例處之方可免前後而節  
李史秉壽時為參議久八直適當大政請牌拒遂詣閣下陳疏  
以為仲父方在亞銓父子不可同參大政疏不入仍違牌罷仲  
父大駭歎而終無奈何獨竹泉金公嘉謂之曰李令去就誠不  
為春長令歎以同僚脫直而出終不如所料可謂工於謀者敗  
於謀春長秉壽字也是秋盡室出花田一月有前導趨問之則

乃戶議金普澤也入坐言吾為仲父命來見令矣出示大諫洪致  
中疏蓋其中論蕩平之道以為國家不幸士論攜貳黨色一  
分情志便阻是非互搜誣謂無別惟其間或不無從善於此而  
其各為朋比公不勝私則畢竟同悖於一轍甚至銓注之際用  
舍太偏與奪操縱輒循一時之好惡方今時勢日艱人才眇然  
雖使物我無間大小寅協尚患其不克有濟况乖張否隔日甚  
一日而歆望其治不亦難乎凡在殿下之廷孰非殿下之  
臣而一進一退前後判異乍賢乍佞善惡靡常此豈大聖人推  
誠待下一視無間之道哉乞敕秉銓之臣無拘大彼此惟才是用  
以昭殿下平明之治亦願深留聖意以公至正之道達極



于上要以保合同異偕底太和之域實太平萬世之基也一讀  
畢且言仲父以為如此邪說敢于聖朝之下羸豕蹢躅吁可  
畏也吾見此憂之持而語人則皆不信而笑之視作等閒文字  
熙卿所見之明必異於凡人其能憂之如我乎果憂之則願鼓  
起年少名流泛頭劈破深明邪正是非之不可不別以悟聖  
聽否吾恐他日此論為亡國之兆也余應之曰衆人之視作等  
閒說語果無慮大阮丈憂之誠是也然吾意則有不然者聖  
上臨御既久羣臣情偽既洞憲無以進退手熟此等邪說決無  
得售之理雖為辭而劈破顧無待於此矣以理執言之豈論之  
威未有甚此之時寒暑迭代其理昭然繼此必有斬伐之大禍

考左  
他

過此必有用是說進者不知他日為何世界况洪之作人終必  
一番柄用其時恐無以過其執也設使無洪一人天下其無師  
公乎故曰不必為對舉之疏也追後思之仲泉之能優於衆人  
所不優之中者可謂有先識矣時上候遠豫朝廷頻有起居  
之班余於出郊後拜禮議為叅班造朝常於禮曹廩貶之陞拜  
同副承旨平日意謂體用綿今百司苟得其人其猷替之功勝  
於三司且使闕庭肅然百職畢舉自度才力庶幾堪當遂承  
召入直首請牌批兩司使之署紆留院公事之堆積者審量緩  
急次第登撤院中自然多事時洪致中士能直騎省乘閒夕訪  
適有正言趙尚健言事大䟽到院余問之曰士君子心事當如



青天白日人得以見之君則立朝殆十年官至下大夫之列而  
言議舍餽間或有口口相背之譏雖工於涉世如此持身不已  
勞乎試以此事言之斯文大是非必有涇渭水心者願一聞之  
洪沅吟久之乃應曰此是斯文大是非豈無傳授於父兄師友  
之間者耶他事毋論師弟子相較師亦是而弟子則否矣自是  
夜其說傳播於閩中人皆曰士能始為老論翌日吾仲舅適至  
院備道此酬酌則曰今能對人迫脅而問吾輩則性拙不能如  
是矣士能口中能分明說去一是一非想其受困極矣儕友相  
見以此言問之則亦不能諱蓋是洪十年內初立脚者也趙疏  
八被 嚴批即出避又有特遞之 命余以該房深夜草啓請

夢在  
他日

還收仍送示士能有一二商確處啓草下堂后李仁復不肯書  
俞翰林拓基代手精寫以上目 上下嚴教 命特遣余俞年  
少而才敏儼然如老成人後竟至大官自趙尚健疏後從此疏  
章齊起爭下 上嫌其喧鬧一日 筵中特下章疏勿捧之  
命賤臣適八對以為喉司之地惟在出納惟允而已人君臨下  
所宜公聽並觀以定其是非豈可經先設禁臣不敢奉承還出  
後承旨吳命恒結清還寢其 命 上終不從疏既無禁故後  
此各得盡其情惟以李真儒之持論怪毒亦不敢以吾言為不  
是矣然畢竟處分嚴正大慙士望益信凡事不顧利害惟思盡  
職之為得也



已奏擢刑曹叅判旋有嶺南均田使之命李公健命為右相  
意欲攬撥而然遂入城謝恩而於重任則陳情理乞辭 命備  
局稟處右相又防啓不許愚意本謂均田國之重事朝家雖別  
擇才臣下注卒遽行之執難得其情實一時謬錯動為積年民  
言徒有廚傳迎送之弊不如專委方伯使擇其邑倖閑於國事  
者凡係本邑主管田政諸員必取其明於經義科賦者各盡其  
材均田未了之前方伯與守令勿許還動磨以歲月自可有廣  
惠之及民其視過去別呈之草一勘定者得失懸異矣且卽採  
朱子說作圖以進更念情私為重不宜傍及他事且不無嫌端  
款上旋止

均田使三負吾與洪錫輔力辭不赴以 上教催促限內詩朝  
者惟金在曾一人金以獨性心懷不平校理趙尚健上疏請罷  
吾輩人謂出於金之意肯其批有平時若此緩急可知之 教  
仍命削黜

上將洛溫泉宮僚謂一世子情理當陪從尤對 春官請自內  
進達請隨 駕輔德尹陽來諸負人侍以次陳說一遍而 春  
官泛然酬答而已無明白發落兼文學洪啓迪退而語尹曰吾  
於奏事無發落之際即其席上便思題卿即今之疏傳視吾輩  
為卓絕哉尤高尹為余道之如是

因臺臣尹陽來即放其門題 景宗即祚頒赦始蒙叙拜江華



留守屢疏力辭而過通蓋自出郊以來大小辭免非不多矣沁都則情理形勢俱便好而亦不赴至是人始信其決退

當初有沁都除命也吾謂人曰吾既以私事而辭王事得罪大矣今之所除苟是遷園猶可為自款之圖而此則咫尺郊十分便好之地豈不添却夷險趨避之罪耶或誤傳其言廟堂聞之適有北藩之窾而患之人遂自江幸移拜咸鏡監司官則殊而情勢則一也屢疏力辭而過吾既過而外任旋除山陵都監提調此則義不敢辭起膺敦匠之命時有太行挽掣進之命余在陵所掣進有莫報天高大虛論日短長之由蓋抒出哀慟之懷情也李真望時為都廳來求見挽詩出而與之從

容論確真望之儕友以蔭官為郎僚者見之歎曰三堂上二部  
廳論詩之際情好謫然全無色目睽阻底意思古時則大部如  
此矣吾今日得見此奇事云

余於數年前夢拜 仁顯后與 肅廟耦坐賤屋延其旁侍語  
從容恰似兒時入 闕樣而不知為何處所矣偶席方中之後  
兩位合封之際忽記前夢景象宛然始知萬事皆有前定也  
敦匠訖將復命時南少來問拉麵之事相續政院疲於接應有  
一名官以夢寓意來風曰朝處如此君未可少留朝端俾資顧  
靜之力耶余笑答曰此時如為部承旨則當為之留觀教月居  
則已退之身何可無端仍留乎適無職名反命翌日遂還悌



肅廟小祥奄迫 上連以疾患未參祭五月晦適拜大司憲入  
城上疏進戒且陳文敬公全集言老病則可望而哭泣伸情乞  
依此行之 上批例賜嘉尚而又不參朔奠初款觀言之行否  
而決去就遂不出肅一祥日參闕外班悵

常士寅仲文違禍也奉屍出獄之際以牛車藁葬之義行之則  
宜不敢自同無故之人而事有因時而制度者不可執一而論  
古之牛車藁葬蓋為懷忠托冤死猶惶感而不自安以冀 上  
之矜惻而今則不然羣兇秉國恣行膏臆死生榮辱非由 上  
手尚或自處以罪死適足以快禍心亦非所以順輿情故倉卒  
定計故奉安于本第正寢凡百治喪一如平時意時軍校卒皆

崇寧  
地

來待於門外請司賻物來則不辭但不尤而已親遑慰問者亦  
皆應接不遑中如金渡之流亦來就木翌日曉行朝哭仍成服  
輿夫先待未明奉還于郊舍凶徒益憤甚至發金渡羅職之棺  
葬後吾兩家各走入窮峽余有深入之志就求于邑內安峽尹  
明亭麟蹄三處而商量焉惟麟蹄曾所未見又無尺土一民其  
邑倖韓兄配享雖戚再送而半生因居情因氣為慰禍度而  
來戚說淹山村之勝故約以偕家先搜官錢買粟以待之畢竟  
兩處俱送人借一屋而不得則其執舍麟無可注者十月二十  
一日晝遂入麟矣邑倖果於德山村得金吏結崇家待吾至矣  
村距邑十里而近限以一江江上有合江亭調輟庠能聽行



人往來余定棲之後無聊則獨挈舟隨意上下興盡而還合江  
則以官亭也故惟於觀漲時一登焉此地雖無奇勝門外澗水  
連江可濯可沿松臺又幽絕可愛老杜詩澗水深山通柴門老  
樹村一句真是畫出此中也去金剛一百數十里去雪嶽五十  
里去寒溪古寺董二十里可謂神仙窟宅矣歟就古寺傍作草  
堂讀書其中且尋瀑布居下處不累牕東未見處與金剛遠近  
亦同而怕人煩不得往惟雪岳則春秋好時節輒隨意往遊恨  
無同伴獨兒子一人韓兄情好一日不見為鬱而不一至官舍  
韓兄與三子時來話而已居德山偶得上通村林哥所賣家  
一見而樂其爽塏便移居焉隣有李約正家一日有僧過之松

語以為菊此有三定不入底福地而聞宰相來此、是大人胡  
不肯字而居焉竊聽以傳之者云是異僧故徐圖買田方鳩村  
作舍會出山未就今亦不得住留可歎

閑中吟咏多憂憤悲切之辭如白髮偏頭吾可奈青山在眼角  
相親昇中龍席身全老卷裡唐虞眼獨明乾坤都是客山水便  
為家等句豈可見矣但恐語近誚訕一切不為是以或出語而小戾  
篇矣

新經禍故日子全昏夜不得看一字書夕食後散步俟食下就  
寢鵲欲鳴便寢讀書至昧爽而止老人作早粥以餉之爰內老  
幼盡起各率其職事屋前有飛鳳一山由縹緲老人每早起書



之曰雲氣佳哉常華時常歸紫芝之屬於籬下且治小園秋日  
老人手摘茄子縛攜筐而隨之惟菽水不給而怡如也此為終  
身至樂惟欲復得而何可及也

初到時士衡以書問新居况味答書山谷詩落木千山天遠  
大澄江一迤月分明以報其後無苦楚諫士衡謂人曰倉卒奉  
老人入窮茨深以為愛不意其樂地也自入深以來與世隔絕  
時事無人可對論者一日膺叔遠來留連多日偶傳金文伯溫  
<sup>王</sup>之言曰今日固無陽復之望設令陽復其中必有議論乖裂  
如<sup>向</sup>光南之為老父爭之大<sup>本</sup>霸柄龍潭天紀輩是也不知熙卿  
當其時如何處之耆德凋零此時世道專是熙卿之責也云出

災後無人與論此事當金龍澤等議雪寃復官時黃判書龜河  
獨力言其不可退而語人曰某台之意亦如此黃固親友安度  
吾意或與已同而廣未嘗對論及此也此非獨閑渠一身禍福  
實有上関 聖躬者而世之自謂清論者皆以龍澤輩為布衣  
出位不能學身人或從而和之甚者至於出力而改作然向來  
証獄既是函捷之所鍛鍊則只當以一寃字斬之諸人之摘身  
勅力出於安 宗廟護 聖躬則只當以一忠字斬之他不須  
論也况此獄之以五六儒生為根柢嘉稟出於証逼 儲君之  
計則此與今日 聖証自當相関此而不能快伸則 聖証終  
無可伸之日豈不痛哉義理大略如此矣士大夫間聞言議如



此不敢復為藉重之說矣。閔翁士衛獨以君誼未嘗決自廢累除官不就。以至枯死窮山。常以此事為關係。君誼之大關。按云。

癸卯冬余自麟炭乍出龍仁之寒泉行節祀吳晉周明仲同庚親友也。方寓陽城聞余之至。季來同宿。時臘月三十日也。明仲為傳羣凶跳梁朋黨禍敗之狀。其中趙友士克最為慘毒。明仲誦傳其親忌獄中詩曰。去歲江潭今狂陞。每逢羣日倍傷悲。穿兄但謂同唐患。姊孺那知薦醢塗。眾大名虧生亦恥。骨殘筋絕死何遲。原塗此去無多日。膝下承歡倘有期。相對垂涕黎明別。別是冬明仲感疾而卒于寓舍。此為死別。追念惘然也。

今上在東宮登卽躬吊崔相錫恒之喪執喪人手而出先妣在  
災裡聞之曰躬吊或可而執手無已過乎此後國政尤以帝  
惠為先矣甲辰卽昨之初有儒生負論寺寺事辱士白上撲  
殺之以為鉗制計先妣歎曰吾輩尚親其復見天日今則國  
事可知也未幾朝嘉下清綰復蒙收召陳辭不獲居數月奉還  
郊廬先妣臨悵笑曰以不改出處之義言之不必出矣而老人  
來日無多但欲得見親戚顏面耳  
丙午緯以大提學敦迫甚急卒至削黜其最末諱疏有曰君臣  
之分截然若天地宜具有命輒承而進退之隨惟義是親故下  
而屢違命而不為傲上而奪志不為詘此為通志成物之道



矣 殿下之待羣下仁義固曲摯而每於經窄難轉處輒欲束縛而馳驟之使不得全其去就臣竊喪失廉節時為奉顧如木石無所及動則分義虧矣之義之虧罪止臣身聖志則廉節為大廉節一壞辱及朝廷臣已反復較摯而知所處矣臣雖不能陳善責難納吾君於無過何忍以一身進退成君父之過以上累 聖世之風化於前後進退辭受之際大率秉執皆此類也或謂先妣曰未可少勸其出耶先妣曰吾豈薄富貴而不為計時執既無可為惟從渠之所為耳

戊申亂遂大作為奔問抵城外從孺諸生蒼黃散去獨北青劉生汝豪守而不悌曰北道寇難至不吾父母保其無他吾則有所致死之義假令先生執勒從王吾亦從之與同死生遂佩劍

從奪閑之行自是日至罷歸與同食同寢雖值艱難親舊之在  
洛者咸來見終夕紛闌而劉生獨坐廳事大讀孟子第一編而  
不少輟人皆異之

奪閑之時惟無案職而無帶備堂不曾減下意為入去之自牌  
招擬即趁承命之後便請對書所款陳教十年作笏記以待  
其第一請放還而相臣於謫所嚴責明年題命鄭錫三宋寅  
明輩倡諱疾之議以致遂亂崩南宣諭使朴師洙下注時以前  
承旨羅學川前佐郎安鍊召為副使或從事宦游西則昇韓元  
休以宣諭使為安集之責餘不盡記其後陞吊黃判書龜河喪  
家見沈刺書宅墮言今名亦高入堂上座目中而大臣雖屢聞



地  
山

八未終不請牌可訝云蓋李先佐以首相主廟議知金牌拒則  
必生出事來也郡城扈衛罷即陳疏歸省病母附陳戒蓋嫌字  
台亂之由上批類未安出郊後尋聞名出賊招還入晉命先  
妣恹然口使汝名不辱位不辱室有是耶於是緝盜有退賊意  
先妣父母立墓在驪州旁左議政鎮遠時謫原州驪與原又接  
墳遂奉而移寓於驪先妣不怡曰汝雖欲順適吾意康廟隨我  
而來此地甚不自安也遂命趣裝將復入麟峽李判書東常聞  
之以書慰問曰使令公重入深山此何世道俄而疾患劇旋止  
戊申九月先妣卒于驪州大里寓舍十二月將奉櫬歸桑龍仁  
之泉谷時賊魁安燬等多出近村函徒未盡勦去事城臣則朝

久待度人皆危之以為不可生而義當舍此而靡適付命于天  
斷之不疑合陰後仍居焉曰顧當日景晏豈料安居至於二十  
年之久乎不可知壽事也

曾見朱子與呂東萊論喪中講學得失朱子蓋不以為不是且  
哀疚之中自量庶此無以慰意饑寒之餘暇輒引諸學者習經  
書或由比而汎濫他書則不可也且揆以不與人望之義終墮  
未安後之人宜自系量而行之也

服闋即除左尹上疏辭免有曰目今為判尹者於臣私義又不  
可忍與同席此其觀不容而主舉國誰不知之是特 殿下  
切付之先天時儀又方粧成一箇惜董世界以此耳然而以



臣所聞君臣父子之大倫大義根於天性結於人心亘万世而不可滅者也臣是禍家子弟處義又別一日非所處而處焉則不論仕與不仕傷倫悖義實足為大其敢自安於心乎時刺戶李森也方赴備局望見此疏失色曰吾其死矣時議亦知其難屈而隨窠填差殆無虛月惶蹙甚矣

在言地則尤覺不言為可愧矣如物在喉中而不下辛夏夏拜太司憲歷陳君德時政萬餘言首請聖心除去一俱字以明義理正一世疏既成款鳴繕之際夜夢先妣書示言不可悞禍由此始八字遂不免焚燬

壬子 上以在外諸臣之不入參

宣懿大妃祥班下殿教

初進仗果川侯鼎旋聞諸臣胥命金吾遂進而與同九月始下  
處分諸臣或削或罷而賤臣獨以久不仕之故區別得免上疏  
乞同被罰譴略曰臣聞內則父子外則君臣人之大倫也而父  
子主恩君臣主義其事也或無犯而有隱或有犯而無隱就秦  
則有方無方之別故父有過三諫而不聽則涕泣而隨之者  
恩也君有過三諫而不聽則去君我也今以國恤祥事言之  
為子者惟恃忠堂有不奔親喪者又豈有不與大小祥者乎於  
此觀之亦可以見理一分殊之理也今殿下輒以子之道責  
之於臣不獨此事為然循是以往其將有順而無違有從而無  
去此豈理也哉臣恐義理二字其將壞却天下名節矣 上批



疏陳大體是矣今日異於此名師止滯也

後湖西儒生郭尚煒召還之請聖心廣激又因權學蔭之疏

寵教連降仍有特惠長之命先是吳光運疏有假儒名作疏之

語且言學下自成一廬古以謂不聞天子詔者近之云其言似

先入故上疑其樹黨也一時親友莫不以禍福為言至有勸

遠淳徒者余以書答之首舉朱子說又謝以詩曰讀書三十載

或恐為楊朱云

在外時意異已之在朝者不可頃刻相接矣入城後以宋成

明李廷濟諸人次第來見於待命處不忍拒絕與之接談依然

舊情相親始知隔平中人無恠其爛熳同歸也

宋成明以知義禁赴生一日冠席來過笑謂余曰使令高紹觀  
吾輩形容何如也拙有慙愧之色聽其言甚極暖論也語輒呼  
巡卿時俞令展甫在座似恠其何故如此相親也蓋余少時親  
陞補註書屢見敗於趙公相思之手宋雖以賦興多與之聯接  
頗有同病之憐是以最相親

李廷濟亦以冠席來見笑曰記在政院同苦時君笑余曰我則  
能不仕而汝則何能然其時令孫國定論而到今鬼之有孫氏  
尚得從我之情也見君不隳愧汗如漿乞

乃淳於諸休幕中頻過汝五於吾則不然此則世嫌執以國然  
而獨宋臣明最是鄉里為好而一不相問似其意謂吾為峻論



盧其來或拒絕而不見也。宣明小字龜祥，其祖監司公克罔已。  
已後寓居幸州，作亭病以迄。盧與仲父置亭，廬相望。仲父自庚  
辰作亭，往來其間。宣明之翁徵之，當初博士茅余嘗同作三角  
之遊，其發心言在晚年矣。一日仲父在亭上，聞宣明母夫人呼  
天哭而呼之曰：「天何忍奪我龜祥！」願我代渠急覓清心元用之  
獲生李夫人，即靜觀公女也。自後宣明讀通鑑時，問學於仲父。  
又與汝剛共葦，以古風長篇較得失其多，勝負若累年。其言論進  
汝剛無甚異同，忽有洞內儒生之注來，而問者適來言自京邑。  
送臚子邀龜祥以去，知有何故也。蓋問其叔徵，敢以宣明慣習  
其內舅之言論，慮其有他意，故令參於明齋，以還疏也。吾則在

京之故帷屏間相接未嘗頻相見也已及持承重喪避病於江  
舍其時廣明以布衣看幅巾頻來拜仲父吾始其憤歎其之語  
極是人才其言曰末世做事不可專用義理須參錯利害方可有  
成吾折之曰然則直朱之苦心勞破一利字為無益仲舒不謀  
功利之言迂濶不可用矣廣明曰近世儒林中云長事業多參  
錯義利終始可法也常時認以少年尋常之語其後廣明登第  
頻來見我謂我厲臺時入京疏忠愛惻怛且以省覲奏訪過辭  
去又即饋問乙巳廣明削僅上以前文學果帛德章吾家在蜀  
而獨不顧後聞鄰人之言則以為宋之學納刺見退則豈不辱  
乎依帛之不一過蓋此意也



元景夏與余俱是同春外尚和之者在章甫時力主金龍澤李天紀輩  
出位希功不潔當絕之論李天輔諸名下士也天輔之叔兩臣  
痛其姪之誤入常言汝之外祖金萬基亦不陰圖私運耶云一  
日元以陽城宰過誘語及此事問吾意下何如吾應之曰無論  
龍紀輩出位惟賤如白望者其為凶賊鍛鍊則一故吾謂今人  
當於其獄中死人勿論貴賤將視之如四大臣義區別而欲自  
毀之者卽是賊邊人元曰聞叔主曾前謂此輩不是後為世道  
改見之今果然矣吾答曰此是中間藉重之虛說吾意本不如  
是矣後聞天輔亦度前見

乙卯正月 元子誕生八月差輔養疾鄭齊斗李真望席同是

職上疏辭以為養方以豫為主古人胎教之外擇阿保居  
先而擇之術力曰寬裕慈惠溫良恭敬慎而實言者雖阿保  
之微猶且如此況輔養為官而責之以作成之功乎其意蓋謂  
此正擇阿保之時年齡稍長可以開導討論薰陶成就時節方  
可論輔養之職云爾

方輔養命下之日親友皆會可出李君宜哲亦以不出為訝或  
一日妻來勸起答之以此非可論輔養職事之時也則又曰臣  
民渴企之餘逢此慶會可無一進伸情之道答曰古之賢人君  
子之出處當患難或有進身者易時有因慶賀進身者乎李  
曰是則然矣



當是時舉世皆以不出為非黎湖朴友亦對人言分義不可全  
不顧蓋以吾為過獨丹巖舅氏書中一無初出語其意可知也  
閔第通洙謂其兄士會曰兄於平日篤信李兄幾於聖人雖是  
聖人今番輔養官不出則非也且李兄太固執於世情似未免  
鄉閭也士會曰汝雖笑之吾則以為聖人舉世皆可出之說專  
是禍福利害而獨不少撓於此益可信其為聖人、本來這潤  
自流俗視之宜其以為鄉閭也

壬戌三月大提學園點望車子中賤臣名下 御筆書下輔養  
官視尋常可謂博士藤南有容乎惶恐不可言蓋有容曾於疏  
中謂賤臣可為博士故也



癸亥九月 特下別諭敕呂孟言悠、萬事無過於導我元良  
而轉導元良不過經學至有誠淺晚、之 教以病陳達 命  
之收束曰幸以無事万一行步可升降 殿陛言語可以參涉  
講說則亦豈無一違承 命之日乎此察、情中者行步言  
語至今無少變動終為欺瞞 聖明之悔每念惶悸益無措身  
之地也

數

金始鑄黃翼再人余甚愛其才常於堂后遊容說及西南議論  
之所由分且言南人與少論合執雖似完固終為同情於逐宜  
速自拔毋底于悔旁人笑之曰何言之深而計之疎也余則曰  
吾則盡吾心聽不聽在人吾何強之哉既而尋身前見款延善而不棄矣







